

陽城縣志卷之四

田賦 丁徭 課稅 里甲附

明洪武十四年額數

官民平坡夏秋二種地五千一百八十二頃四十四畝  
四分八釐

夏稅徵麥九千二百二十九石九斗四升二合三勺

秋糧徵米二萬一千二百九十二石七斗七升六合

萬曆九年清丈額數

上中下三等地五千五百一頃九十九畝三分

陽城縣志

卷之四 田賦

歲徵夏秋稅糧馬草跔銀農桑絲絹共銀二萬四千四

百三十九兩二錢遇閏每畝加銀一毫

萬曆年間加徵額數

加增農桑絲絹銀七十兩二錢

加增豐贍庫馬草銀四十五兩七錢五分三釐

加增地畝九釐

除荒實徵銀三千一百一十一兩八錢五分六釐五毫

國朝順治二年額數

上中下地五千五百一頃九十九畝三分



順治四年蠲免無主荒地一千一百三十一頃十五畝  
九分七釐十四年又蠲免傷亡並有主荒地九百一十  
三頃二十一畝五分

順治十五年額數

實在官民熟地三千四百五十七頃六十一畝八分三  
釐

上地六百八十八頃三十四畝一分九釐每畝徵糧七  
升

中地一千五百四十四頃七十八畝六分七釐每畝徵

陽城縣志

卷之四 田賦

二

糧六升四合

下地一千二百二十四頃四十八畝九分六釐每畝徵  
糧四升二合有奇

共徵稅糧一萬九千九百九石七斗六升有奇每糧一  
石夏秋折銀六錢七分有奇共折銀一萬三千四百二  
十七兩八錢七分有奇

康熙十六年額數

歷年開墾并清出地畝通共實在上中下熟地共三千  
六百一頃三十八畝一分五釐徵折色並加增馬草

絹銀一萬九千六百四兩三分九釐

雍正十三年額數

民田地共四千頃二十五畝一分五釐五絲共徵糧二萬二千三百一十八石四斗一升四合三勺有奇共徵折色銀二萬一千三百七兩八分九釐有奇

乾隆二十年見在額數

民田上中下各色并積年續首開墾共地四千一頃六十七畝二分六釐三毫五絲共徵折色并加增馬草絲絹銀二萬一千三百一十三兩一錢五分有奇

陽城縣志

卷之四

田賦

三

外自乾隆十二年分未入賦役已入額開墾旱荒下地二頃六十八畝零共徵折色銀一十一兩四錢五分有奇

屯田額數

明設屯衛之制其太原中護等衛坐落本縣民佃為屯田後屯衛久廢名仍其舊舊止徵米康

熙初改徵銀米各半後改折色徵銀

下屯地七十二頃四十六畝六分九釐共徵折色銀一百七十三兩有奇後加丁銀四十三兩二錢有奇共徵銀二百一十六兩三錢有奇

丁徭

明洪武二十四年戶一萬四百六十三口八萬三千八百七十八

嘉靖二十一年戶一萬二千二百四十五口十萬九千六百八十一

萬曆三十五年戶一萬二千二百四十三口十萬九千二百一十六

明崇禎年舊額人四萬五千一百七丁均徭銀九千四百三兩二分一釐

國朝順治五年審編人一萬四千三十二丁

陽城縣志

卷之四 田賦

四

康熙元年審編人二萬二千三百九十九丁

康熙五十年審編人二萬一千九百二十八丁共徵均徭銀一萬七百七十六兩七錢有奇乾隆元年奉文丁銀歸入地糧徵收者五千三百七十四兩有奇隨丁辦納者五千四百六兩六錢九分有奇今乾隆二十年見在共二萬一千九百二十八丁仍康熙五十年之數

以上地丁共銀三萬二千二百七十四兩四錢有奇

稅課

匠價一百三兩五分 乾隆三年後入地糧徵收

溢額商稅一百二十六兩三錢零 遇閏加正銀十二兩六錢

畜稅三十七兩九錢九分零 遇閏加正銀二兩八錢贏餘銀一百四十七兩八錢

四分零每年盈縮不等

牙帖稅一百一兩二錢

鹽牙稅一兩八錢

當稅六十五兩 此項係活數

房田契稅一十六兩一錢 遇閏加正銀一兩八錢二分一釐贏餘銀三百七兩九錢

二分六釐每年盈縮不等

酒課銀二十五兩 遇閏加銀二兩八分三釐一毫四絲

陽城縣志 卷之四 田賦 五

鹽引五千三十九道 增引二千四百三十九道

里甲

舊制以十戶為甲十甲為里里設一長甲置一首正役則里長甲首十年輪役專以催辦錢糧後則十甲各以一戶為長餘戶謂之甲首亦十年輪役舊編里九十有九始自城邑次則東南西北鄉分四正四隅以次列焉明季兵荒人民流散傷夷過半 國朝順治初併省為四十里自康熙二十六年後戶版日多歷歲審編分增里數今現供徭賦者凡七十八里列於左方

城坊八里

立平里 化源里 懷古里 西城里 崇勳里

通濟里 青陽里 福民里

四鄉七十里

章訓里 東石里 崇上里 北留里 封村里

郭谷里 王村里 沁渡里 南留里 南石里

潤城里 上佛里 下佛里 虎川里 白巷里

兩孔里 大寧里 長興里 增村里 陽邑里

東進里 蒿谷里 美泉里 義城里 南上里

陽城縣志

卷之四 田賦

六

劉村里 宜固里 伯附里 賈砦里 羊泉里

芹池里 固隆里 白澗里 四侯里 獻義里

澤安里 王曲里 上義里 北庄里 析山里

臨澗里 辛興里 南封里 次營里 寨村里

侯井里 通義里 冶坊里 西石里 立信里

苻堰里 安陽里 洪上里 降堰里 蛇谷里

大長里 獨泉里 下交里 善利里 封頭里

匠禮里 尹庄里 梁城里 上庄里 龍泉里

大樂里 柵村里 漢上里 遊仙里 北林里

舊志城中凡九里有上孔正東十里有洗壁東裴正  
北十里有望川下孔屯城西北十里有北林宜陽正  
西十里有臺底北李安西南十里有南北次營董封  
正南十里有土澗吉庄東南二十里有東西兩石白  
福善南北兩安陽大余長谷諸里其名與今多不同  
蓋併省分增變易使然夫民戶里居少則從併多則  
從分事勢之宜唯明時多匡九十九里版籍常滿其  
時舍宇影相接雞犬聲相聞父老傳萬曆之末深山  
窮谷無非居者後二十年蕭條零落里甲不及向時  
之半蓋亦縣人一升降之會故附記之

物產

穀之屬

粟 黍 稷 粱 麥 麩 荏

黑豆 菜豆 小豆 豌豆 豇豆 白豆

苡麥 葛稗 麻子

貨之屬

鐵 黑鉛 白鉛 石炭 黑礬 硫黃

縣地皆山自前世已有鑛穴採鉛錫鐵故舊制歲貢鉛鐵有常數至石炭戶代薪爨價賤而用多為

利博矣縣境諸山出硫黃往時民多私採雖禁以嚴法終不可止後以硫黃為軍中火攻要需歸於官辦凡各直省需買者遣官行文書咨山西巡撫下布政司轉檄澤州府府復以文照下縣開採事訖即封其鑛其黃礦狀如石必融液乃成凡融硫黃甕高二尺徑一尺以一甕埋土中以一甕實礦塊其中反覆其上以石炭圍煨之一晝夜傾出則成黃矣其佳者以着耳傍常瑟瑟有聲於入藥服餌尤貴其甕土人謂之串口串口唯陽城造者土



堅不毀他縣所作用之卽墜裂古人燒煉藥餌貴  
陽城罐者此也官之封穴也并收其串子稽其多  
少之數而亦封諸庫不許私作焉

蔬之屬

韭 葱 蒜 芥 芹 茄 瓠 葵菜 葫蘆

白菜 菠菜 諸葛菜 蒼蓮 蔓菁 蒿苳

芫荽 絲瓜 王瓜 冬瓜 西瓜 南瓜 北瓜

甜瓜 菜瓜 萊菔 山藥 木耳 樹蕨 地蕨

花椒 芻

陽城縣志

卷之四

物產

九

果之屬

柿 桃 李 杏 蘋果 梨 棗 羊棗 榛

木瓜 葡萄 石榴 沙果 核桃 文官果

香櫟

縣舊無柿明萬曆中知縣新鄭王良臣憫其地瘠  
寡產人少物利乃自其鄉携種至使戶植之初以  
為煩苦未幾柿長成林取材落實民始受其利

木之屬

松 柏 桑 檜 槐 椿 楸 榆 柳 椒

青楊 白楊 漆 栲 榭 青柵

縣有桑而蠶事寡鄉人治絲以質於中州故無繅  
帛之出又有山蠶生岩間作繭纍纍則雒由類也  
陸璣詩草木疏云栲柵櫟也其子為阜或言阜斗  
其殼為汁可用染阜則栲本阜夾樹耳南山中多  
漆人時割焉漆與阜夾岩居者取以為資椴任斧  
斤中器物華尤艷好如蜀海棠爾雅椴木槿注云  
月令仲夏木槿榮其樹如李華朝生夕落與艸同  
氣故在釋草中相彼所名與此椴別一種矣然晉  
人尤貴栲以為棺槨栲巨者值至數百金唯富人  
大賈家能得之

陽城縣志

卷之四

物產

十一

卉之屬

桂 牡丹 芍藥 玉蘭 迎春 萱草 菊

葵 蓮 金盞 鷄冠 紫薇 石竹 槿

玫瑰 海棠 夜合 薔薇 鳳仙 月季 水仙

丁香 紫荊 酴醾 玉簪 茨薜 凌霄 棠棣

木香 梅 虞美人 十樣錦 剪紅羅

夾竹桃 晚香玉 間道花

藥之屬

蒼朮 黃芩 升麻 猪苓 荆芥 薄荷 麝香  
黃精 桔梗 百合 藁本 知母 秦艽 連翹  
木通 山查 牽牛 益母 車前 地錦  
天門冬 麥門冬 郁李仁 五靈脂 欵冬花  
禹餘糧 五味子 酸棗仁

唐六典縣貢石英舊志雖書其物然所為石英者  
今已絕無有縣人又言多何首烏舊志亦載之特  
檢驗形狀實非首烏首烏其藤常以子午自交含

陽城縣志

卷之四

物產

十一

抱靈氣不易可得土人常以至巨者詭人得善價  
其餘藥肆亦以充用要皆非真徒欺不識者耳夫  
物有似是而非者記之使真贗得辨云

禽之屬

雉 烏 鵲 鳩 鶴 鷓 鷄 鴨 鶡 燕  
黃鸝 布穀 石鷄 啄木 兒歸鳥 鶉 鷓

獸之屬

牛 馬 驢 羸 羊 犬 猫 豕 鹿 驘  
麝 狐 兔 獾 山猪 猴 狼 豺 豹 虎

望滂之南有試劍山紅峪水所出其地林木翳蔽  
猿猴族處山間人多捕得脯而食之西南諸山多  
虎尤多豹或言有駿山海經爾雅並言駿如馬食  
虎豹山中往來者偶見之不知其名按所說狀則  
駿也昔齊桓公乘馬出虎見之而伏公以問管仲  
對曰君所乘其駿馬歟晉平公師曠其事亦同則  
是駿固馬屬而可御者特山海經又云駿二尾一  
角則又與馬殊宋史契丹順州山中有獸如馬食  
虎豹遠人不能識時劉做使契丹知其博物因問

之敞爲舉說名狀乃知是駿然亦未言有角豈其  
物固不一種而見者之適與爾雅同耶昔魚弘爲  
刺史歸舟糧絕飢甚見洲上獼猴數百悉殺食之  
因得以濟事蓋偶然耳今山中入且時用脯脯亦  
土風之所習矣唐制陽城歲貢龍須席六領太平  
寰宇記析城山頂上有湯王池池四岸生龍須草  
殆唐時所取爲席者今縣人旣無捆席而此草亦  
絕不復聞豈物之產其地者亦有時以絕抑人不  
知取久久遂并其名而忘之吁一事之微亦可以

得古今遷變之數也

論曰物產有志者何志特且志用也象犀珠玉會  
青丹沙羽毛之文章工伎之巧麗他所無者此獨  
有之於此焉志標其貴珍所謂特也用莫大於菽  
粟而物材次之民生資焉日給需焉是以穀蔬與  
貨迨夫神農本艸之經虞衡林麓之長亦無不志  
是則所爲用也陽城山縣僻處陬隅土之所生既  
無珍異奇瑰足號於天下且地多高崕深谷少平  
疇沃野以資播藝卽稼穡之利民猶難之若其布

帛財賄賓客飲食所供多仰於外來觀其間者歎  
瘁瘠焉夫地材天產百姓因之是故吳越誇機織  
之盛齊東見魚鹽之饒雍涼業毡毳并代廣畜牧  
荆楚擅橘柚竹木之繇巴蜀稱酒醪芋魁之富陽  
城無一焉將何產是利以幾家裕而人阜哉山之  
所出硫黃石炭及鉛與鐵硫黃輸用於官其在人  
者不能什一聞諸山產鉛亦曾試採因其出不豐  
不敷工本久已封禁礦穴民亦莫敢有私採者矣

古跡

塚墓附

漢漢澤故縣

在今縣城西三十里嶠嶢山下址尚存今名澤城村後漢時封劉巡鄧鯉爲侯國卽其地也

唐嘉州刺史岑參故居

在青蘿河畔唐岑參讀書處有南池夜宿思青蘿舊齋詩今無跡

金萬松堂

在城西四十里伏虎山之上金時刺史楊廷秀所建廷

陽城縣志

卷之四 古跡

丙

秀自爲記

元麗澤堂

在屯城村元潞國公鄭鼎所居堂乃其祖臯建以延賓客者今故宅尚存其門間坊榻並元時物歲月最古矣

元清風亭

在東關青陽坊下有玉泉元時丞相脫脫之子禿必歹來爲縣主簿建此邑進士衛元凱爲之記今亭尚存

元屯城渠

在城東北三十里俗傳其城秦白起伐趙時築以屯兵

者元忠昌軍節度使鄭臯觀其下二溪可引漑屯城之  
田乃請於郡守郭公疏以爲渠民受其利渠今尚存  
按自劉石周齊至五代金元之際上黨爲爭戰之區  
往來澤潞軍屯多有不必定爲白起特李嗣源杜重  
威等人或不識而白起長平事其最著者故推以歸  
之存疑可耳

明吳先將軍戰場

在北留墩明客將吳先與流賊老獍獍戰歿於此邑人  
給事中楊時化於其地立碑記之

陽城縣志

卷之四 古跡

五

金石文字

唐徐綸龍泉禪院記碑刻

在本寺中

唐司空表聖碑

在盤亭寺

後唐明宗賜洪密勅石刻

在千峯寺

宋中書門下平章事王曾下澤州翻勅牒文石刻

在聖壽寺

宋政和六年封析城山神勅書碑

在析城山湯廟中

宋李之才殿丞詩刻

真宗時李之才以殿中丞守澤州答沙門善勲詩并刻

善勲秋郊晚望一首有進士闈天祐書碑陰舊本刻置

一僧寺中後爲人取去今在田侍郎懋依園別墅壁上

宋黃叔敖許端卿題名石刻

在海會寺佛殿東壁行書大字古秀有法

宋張之才詩碣

陽城縣志

卷之四 古跡

十六

在湯廟中縣令張之才去官日作詩辭湯廟里人爲刻於石詩云一官來此四經春不負蒼天不負民神道有靈應信我去時猶似到時貧

縣舊志作紹聖府志作紹興中紹聖哲宗紀年紹興

高宗紀年高宗紹興中陽城已陷於金安得宋令哉

府志誤耳

金許守謙海會寺詩碑

在海會寺中泰和乙丑刻石

金李晏何慮楊之休鄭暉劉廷彥海會寺詩碑



在寺中

元李俊民修太清觀碑

在本觀中

論曰語不云乎命世作佐者垂可大之餘風高尚邁  
往者有名勝之遺事撫其流烈同為景行是以思人  
猶愛其樹入縣而訪故居習生襄陽之歎內史成都  
之間自昔而然此前哲之逸踪賢豪之餘躅並宜列  
在圖經標諸地記也唯假託出於里俗緣飾致非其  
方考信徵奇斯焉無取何者以翔實之既乖雜糅之

陽城縣志

卷之四

古跡

七

即是舊志間有欠審別者  
但不知何者又事亦犯後先  
後元深事後故之製否

穆天子傳天子休於滎澤  
既者明又則相傳天子降  
必其舊跡未必不經何為  
鄙談

而曾無審別加其後先冗複濡筆徒煩若司馬子微  
陽臺宮煙蘿子洗參井皆王屋之在濟源者也以邑  
之里落日天子掌者指為穆滿之舊踪則野叟田更  
之鄙談也北鄉亭開墜雖名見於水經汙然已久不  
能知其處則當缺疑者也唐神仙洞既無所指名則  
虛談之莫稽也樊川之溪特出近號則不得與古齊  
列者也至如靈泉鐘磬特器物之一魁星鐵猫事類

凡俗似此但可歸諸叢記或備瑣言何緣而得並載古跡中乎且必謂禹都陽城蓋在今縣安得祖羅泌之荒唐成湯禱旱卽此桑林安得與流俗爲附和且如湯都湯塚世疑未決劉向言湯無葬處而諸地記言湯塚凡四所今陵祀者乃在滎河事成於不學無術之人徒資識者之笑湯本都亳而書傳言亳有三舉此二端可決此地之未必爲湯禱必不得已求其近是則洛下故聞云洛陽北有山泉地名桑林並有湯祠宋江休復亦常識之其說猶愈於此何者記言湯遷偃師是稱西亳偃師距洛不二百里矣若此諸端詎煩多摭今旣述此篇以補舊文之缺復辨而析之擇而取之守封者存其故實入國者按其遺區稱跡而談或無嗤於少則歟若夫英辭秀札把玩是珍以古爲貴明代所留年跡旣近義可畧置非爲獨缺也

### 陽陵城考

酈善長云陽泉水東逕陽陵城南卽陽阿縣之故城也漢高帝七年封卞訢爲侯國

考漢地理志無陽阿縣史記漢書侯表亦

無卞訢豈當時旋置旋廢故班志不載而善長別有所據以爲徵耶特後漢及晉陽阿

之名絕不復見至北魏復置陽阿縣然名同漢世而地不必同於其舊雖今古遙殊地域茫昧以大勢核之漢時陽阿當在今沁水東南陽城西北間若北魏陽阿縣則今鳳臺高平沁水三縣間蓋在陽城東北矣今言郡地者以鳳臺大陽鎮爲卽古陽阿故縣此以指北魏者則可耳非漢侯國也今陽城縣西北地有陽邑者疑當是漢陽阿縣之遺處以水經及注証之水經沁水南過陽阿縣東今沁水自郭壁入縣境

至潤城則正在陽邑東而凡今縣之北境義城蒿谷至王村在沁水左右者疑並漢陽阿侯國地故經云沁水南過陽阿縣東也注則謂沁水南逕陽阿縣故城西就文而論經與注水道所經東西不合幾似大惑特水經作於桑欽其人在漢時以目治者紀之故曰過陽阿縣東所指蓋漢時縣若求其地則正在今沁水陽城間矣注作於北魏末亦以目驗者紀之又引魏土地記建興郡治陽阿縣建興乃慕容永所置北魏太武時猶因之者則正當道元之世故曰沁水

逕陽阿縣故城西所指乃北魏之陽阿縣地與在漢者異斯其在鳳臺高平沁水間者注與經各為著書不必相循而無傷其抵牾特注所謂故城者疑必其文有誤自昔水經注善本絕少蓋酈元身處北魏其縣未廢不得於此頓稱故城至其下陽陵城即陽阿縣之故城則善長指言漢縣遺址尙存是有故城之目為當然不誣耳上故字當衍疑酈注陽泉水出鹿臺山東逕陽陵城即陽阿縣之故城也水歷嶠嶢山東下與黑嶺水合鹿臺山今在沁水當陽城西北今

陽邑地在陽城縣北境去鹿臺不數十里耳陽泉水流而東逕陽陵城以形勢論之則漢陽阿縣當即在今之陽邑似無疑者且注又云水歷嶠嶢山東下嶠嶢山在今縣西三十里當陽邑之南按考方隅求之愈出况地以陽氏且以邑名傳之自古必因其跡然則陽邑為陽陵之舊倍益可徵自周隋罷廢陽阿其地大半併入濩澤此亦後來唐改陽城之名所自起而或者徒舉大陽鎮以擬陽阿之舊是止知其在北魏者而昧於漢宜其空舉陽陵之見酈注中者而卒

莫辨其定當何所矣又今縣有蘆河名不知所始或以爲卽酈注陽泉水按注水歷嶠嶢山合黑嶺水南入瀟澤今蘆水自陽邑北徑入沁與注不合或謂蓋徙道行古今變遷之異勢也

### 塚墓

宋如京使兵馬都監何漢榮墓

在縣西北五里有神道碑存其文王虞撰碑字多闕  
元潞國公鄭鼎墓

在屯城村有碑存學士王磐撰

### 陽城縣志

#### 卷之四

古跡

三

元澤國公鄭制宜墓

在屯城有碑存學士王構撰

元忠昌軍節度使鄭臯墓

在屯城有碑存平陽儒學提舉袁耽撰

元湖廣行省鄭昂霄墓

在縣東南二里墓有碑二一左司郎中許有壬撰一  
學士揭傒斯撰至元三年正月立石許碑尙完揭碑  
已仆碎

元四川行省田輔墓

在縣西五里

元贈奉訓大夫陽城縣男尹公墓

在縣東八里

明河東道叅議前陽城令陳州楊公鎮原墓

在南壇側事見宦蹟中康熙丁卯歲邑令項龍章加封樹官備牲醪以時祭焉

夫塚墓有志所以存古辟邪刊裔銘字已磨翁仲不存尺壘猶在斯乃記之若明代至今歲月未久券臺纍纍安得畢錄哉指羊虎之原續城塚之記畧不必備以俟後人其楊鎮原乃獨書者桐鄉嗇夫旣多遺愛伯鸞高人近墓要離舉以志焉事從其特不欲其跡之泯於來世也

兵祥

周威烈王十七年晉取泣氏濩澤

漢建安十年冬高幹據并州來攻濩澤河東太守杜畿守甚固城不得下曹操徵馬騰將兵擒幹斬之

北魏永興五年濩澤人劉逸自號征東將軍三巴王署置官屬元屈等討平之

西魏大統十七年周遣楊惲以兵拒齊由侯井里下邵原後周建德五年伐齊大將軍韓明步騎五千守齊子嶺焉氏公尹昇步騎五千守鐘鼓鎮

陽城縣志

卷之四

兵祥

三

石晉開運中李萬超從杜重威拒契丹於陽城

宋靖康二年金人取陽城建炎三年河南鎮撫使翟興結太行山砦忠義遣其子琮生擒金都統保骨遂復陽城縣乘勝取絳之垣曲

明正德七年霸州賊劉六劉七等至陽城縣東白巷等村村民塞衢巷登屋以瓦擲之賊引去

嘉靖二十四年河南賊突至縣擾下交都等村陽城縣典史王標追擊之於白桑為賊所殺

萬曆四十四年縣西南八十里沁水難川賊牛大等假開

墾山田聚衆爲亂官兵討擒之斬數十人

崇禎四年河曲流賊王嘉印轉掠至陽城南山摠兵曹文詔追及與戰斬之其黨復推王自用爲首號紫金梁又有老猢猻亦其部帥嘉印雖已斬而老猢猻等往來陽城縣人被其禍

五年紫金梁等犯縣之郭谷白巷潤城諸村殺掠數千人而去八月復自沁水入縣之望川下佛王劉諸村屠殺及焚死者數百人有營嵯窟避賊者賊以火攻之時禾豆被野賊驅所掠民割刈之田野盡赤賊所掠自金

陽城縣志

卷之四

兵祥

十四

珠馬騾紬帛衣物可貴者外其餘錢布等悉棄擲或雜置馬通中至裂帛以束草民牛多爲所殺食未及殺者亦斷其觔令不復可用其殘暴如此九月賊衆數萬自沁水武安村入縣之屯城上佛白巷郭谷北留諸村客將吳先與賊戰於北留墩下敗死兵民千數百人盡沒於賊十月流賊別部爲陽和兵所敗自長子遁入縣境陽和兵追擊於陽泉大勝之乃西遁十一月老猢猻等復自榘山入縣境至城下城中悉衆登陴用佛郎機擊之中一賊餘始退明日摠兵尤世祿勦賊兵至與戰不



利明日復戰乃勝之會游擊白安逐別部賊至縣之北鄉賊爲安所敗乃與老狷狷合衆而西

六年二月賊犯縣南已從邵原關下濟源是歲三月賊從西來入縣境摠兵曹文詔襲擊之於芹池劉村大敗之賊潰走四月賊復犯縣東文詔於潤城擊敗之賊遁於縣南五月賊自西來入縣南裨將艾萬年追之爲所敗賊亦西遁九月土賊二郎神等盤踞十字河邑人石少參鳳臺往諭降之撫遣其衆歸田畝者凡五百人

十三年縣大稜饑民嘯聚山谷盜復大起山西巡撫遣陽城縣志

卷之四

兵祥

五

兵勦除之

國朝順治元年闖賊李自成遣僞將軍劉芳亮帥衆數萬至縣僞置官吏凌虐紳士邑叅政王徵俊死焉六月縣人聞賊敗 朝廷委新令至爭開門出迎賊僞吏奔去十月賊帥劉忠由潞安抵城下攻圍十一日縣人固守賊穴地道構雲梯城幾陷城守者潘貞發火礮擊賊死者數人賊知不可破乃解去

四年妖賊高飛王希堯聚衆千人據腰盆照壁等龕將爲亂諸生王洪藻以言加觀察使武公潛遣兵掩捕誅

之

六年大同總兵姜瓖反縣人張斗光瓖黨也聚眾據險築砦於麻婁將應賊潞安賊喬炳許守信等往投斗光與共計事官軍討斗光斬之

北魏孝文帝太和十年建興郡上言濩澤縣民賈自成家養蠶有絲成幕中有卷物似絹帶長四尺廣三寸薄上復得黃繭二狀如履形

宋宣和二年秋九月成湯廟芝生於梁六莖並秀自是數年屢稔

陽城縣志

卷之四

兵祥

三

元至元二十年六月沁水溢壞民田

延祐三年陽城地震

明永樂十二年淫雨害稼

景泰元年秋七月隕霜殺穀

成化二十年大飢人相食

弘治元年大風折木

正德四年四月雨雹如拳累日不銷禾盡毀

八年蝗

十二年夏青

十三年秋大水

嘉靖五年地震

七年大飢

十一年大旱七月乃雨十月夜星隕如雨

十五年夏雨雹盈尺麥盡傷

十九年七月朔日食既晝晦星皆見

三十四年十二月夜地大震有聲月數震不止房舍傾圮壓人畜多死

三十五年夏霖雨溪水漲溢漂田舍人畜不可勝紀

陽城縣志

卷之四

兵祥

七

四十二年三月天鼓鳴

隆慶二年夏旱秋淫雨五穀不登民大飢

萬曆八年螟傷禾及菽

十四年大旱

十五年大旱且疫歲不登道殣相望

三十七年秋大旱禾皆焦槁人飢

四十五年夏飛蝗蔽天六月終始雨

四十七年秋大飢

天啓四年夏安陽里民家牛生犢一身兩頭

崇禎五年秋淫雨害稼時有盜警民多死傷

六年夏大疫有一家盡死者冬無雪

七年春不雨人多死

九年野多狼食人

十二年木冰

十三年三月天赤日月無光者二日是歲無麥禾人相食

十五年六月地震有聲如雷

國朝順治三年夏大雷人有震死者

陽城縣志

卷之四

兵祥

三

五年春蝻生不害稼

十四年二月大風拔木黃霾蔽天檐瓦皆落

十五年春牛疫死十七八

康熙三十四年地與澤州高平陵川沁水同日震

雍正三年民張國澤妻劉一產三男子

五年民李珍妻宋一產三男子

舊志所書祥異蓋採前史之文然史所紀或統一州或兼數郡非獨繫一邑也至如月嚙畢星食昴亦復何與此而煩濫載乎今削其泛且雜者唯明氏以來

父老所傳爲見聞耳目之實而邑之凶豐疾苦繫焉  
者以志其祥異自康熙以來紀述未備者則從其缺  
云

褒卹

元至大元年特封推忠贊治功臣銀清光祿大夫平章政事鄭制宜母潞國太夫人

至元十四年贈銀清光祿大夫中書左丞鄭鼎諡忠毅勅命翰林學士知制誥兼修國史王磐撰神道碑立石

至大元年澤國公鄭制宜諡忠宣勅命翰林學士承旨中奉大夫知制誥兼修國史王構撰神道碑立石

明成化十四年遣山西布政司左叅政賈爽諭祭南京兵部尚書原傑

陽城縣志

卷之四

褒卹

三

弘治二年遣山西布政司右叅政馮續諭祭都察院左僉都御史楊繼宗

萬曆十三年遣山西布政司左叅政陳惟直諭祭贈太子太保吏部尚書王承祖

崇禎十五年遣山西布政司右叅政名缺諭祭南京兵部

尚書衛一鳳

國朝順治二年遣河南布政司堂上官諭祭故河南孟縣知縣王日俞

十年遣山西布政司堂上官馮光先諭祭故淮安府沐

陽縣知縣贈江南按察司僉事段上彩

十四年遣山西冀寧道吳柱諭祭封文林郎陝西道御史張念祖

十六年遣山西布政司堂上官諭祭封通奉大夫刑部右侍郎張元初

康熙四十五年遣山西布政司堂上官諭祭浙江巡撫張泰交

雍正六年遣官護故吏部尙書文華殿大學士田從典喪還陽城

陽城縣志

卷之四

褒卹

三

六年謚故吏部尙書文華殿大學士田從典文端遣冀寧道孟孫繩諭祭同日遣布政使司蔣洞懸掛扁額對聯

十三年祀故太子太師文華殿大學士兼吏部尙書田從典於賢良祠遣澤州府知府朱樟諭祭